

ԾՐԱԳԻՐ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԼՈՌԻ ՄԱՐԶԻ ՍՊԻՏԱԿ ՀԱՄԱՅՆՔԻ ՏԵՂԱԿԱՆ
ԻՆՔՆԱԿԱՌԱՎԱՐՄԱՆ ՄԱՐՄԻՆՆԵՐՈՒՄ ԵՎ ՍՊԻՏԱԿԻ ՀԱՄԱՅՆՔԱՊԵՏԱՐԱՆԻ
ԱՇԽԱՏԱԿԱԶՄՈՒՄ ԿՈՌՈՒՊՑԻՈՆ ՌԻՍԿԵՐԻ ԳՆԱՀԱՏՈՒՄ ԻՐԱԿԱՆԱՑՆԵԼՈՒ

1. Սույն ծրագրով կարգավորվում են Հայաստանի Հանրապետության Լոռու մարզի Սպիտակ համայնքի տեղական ինքնակառավարման մարմիններում և Սպիտակի համայնքապետարանի աշխատակազմում կոռուպցիոն ռիսկերի գնահատում իրականացնելու հետ կապված իրավահարաբերությունները:

2. Հայաստանի Հանրապետության Լոռու մարզի Սպիտակ համայնքի տեղական ինքնակառավարման մարմիններում և Սպիտակի համայնքապետարանի աշխատակազմում կոռուպցիոն ռիսկերի գնահատումն իրականացվում է ինքնագնահատման գործիքի միջոցով:

3. Հայաստանի Հանրապետության Լոռու մարզի Սպիտակ համայնքի տեղական ինքնակառավարման մարմիններում և Սպիտակի համայնքապետարանի աշխատակազմում կոռուպցիոն ռիսկերի գնահատումն իրականացվում է հետևյալ սկզբունքների հիման վրա.

1) տեղական ինքնակառավարման մարմինների կողմից իրականացվող հսկողություն, որն իրենից ներկայացնում է տեղական ինքնակառավարման մարմինների գործողություններ՝ ուղղված համայնքային աշխատակազմի կոռուպցիոն ռիսկերի կանխմանը կամ նվազեցմանը:

2) կոռուպցիոն ռիսկերի գնահատման անկախություն՝ կոռուպցիոն ռիսկերի գնահատման գործառույթի՝ համայնքային աշխատակազմի այլ գործառույթներից առանձնացված իրականացում.

3) կոռուպցիոն ռիսկերի գնահատման օբյեկտիվություն՝ հանձնախմբի կողմից կոռուպցիոն ռիսկերի գնահատման ընթացքում տեղեկությունների հավաքագրման, գնահատման և փոխանակման գործընթացում՝ մասնագիտական անվերապահ անշահախնդրության ցուցաբերում.

4) հանձնախմբի անդամների ազնվություն՝ հանձնախմբի անդամների կողմից՝ կոռուպցիոն ռիսկերի առաջացման բոլոր հանգամանքների հավասարակշռված և համարժեք գնահատում, չենթարկվելով սեփական հետաքրքրությունների կամ այլ անձանց դատողությունների անհարկի ազդեցությանը.

5) կոռուպցիոն ռիսկերի գնահատման կարողունակություն՝ հանձնախմբի կողմից համապատասխան գիտելիքների, հմտությունների, փորձառության և գնահատման գործողությունները կատարելու համար՝ անհրաժեշտ կարողությունների տիրապետում և կիրառում.

6) կոռուպցիոն ռիսկերի գնահատման անկողմնակալություն՝ հանձնախմբի կողմից կոռուպցիոն ռիսկերի գնահատման աշխատանքի ազնիվ և պատասխանատու իրականացում.

7) կոռուպցիոն ռիսկերի գնահատման գաղտնիություն՝ հանձնախմբի աշխատանքի ընթացքում ստացած տեղեկությունների հուսալի պահպանում, մասնավորապես՝ հանձնախմբի անդամները պարտավոր են առանց համապատասխան լիազորության՝ չհրապարակել և չտրամադրել գործունեության ընթացքում կամ արդյունքում իրենց հայտնի դարձած տեղեկությունները, բացառությամբ օրենսդրությամբ նախատեսված դեպքերի.

8) հանձնախմբի անդամների վարքագծի կանոններ՝ համայնքային ծառայողների վարքագրքի հիման վրա հաստատված հանձնախմբի անդամների վարքագծի կանոններ, որոնք տարածվում են ինչպես հանձնախմբի անդամ՝ տեղական իքնակառավարման մարմինների և համայնքային աշխատակազմի ներկայացուցիչների, այնպես էլ հրավիրյալ անձանց վրա.

9) կոռուպցիոն ռիսկերի գնահատման կանոնակարգ՝ համայնքի ղեկավարի ներկայացմամբ ավագանու հետ համաձայնեցված փաստաթուղթ, որով սահմանվում են կոռուպցիոն ռիսկերի գնահատման նպատակը, հանձնախմբի լիազորությունները և պարտականությունները, կոռուպցիոն ռիսկերի գնահատման շրջանակը, հանձնախմբի կողմից կոռուպցիոն ռիսկերի գնահատման նպատակով անհրաժեշտ փաստաթղթերի, աշխատանքային պայմանների և գույքի հետ կապված հարցերը.

10) կոռուպցիոն ռիսկերի գնահատման առաջադրանք՝ կոռուպցիոն ռիսկերի գնահատման կանոնակարգի հիման վրա կոնկրետ կոռուպցիոն ռիսկի գնահատման առաջադրանքի կամ ուսումնասիրության իրականացում:

4. Հայաստանի Հանրապետության Լոռու մարզի Սպիտակ համայնքի տեղական ինքնակառավարման մարմիններում և Սպիտակի համայնքապետարանի աշխատակազմում կոռուպցիոն ռիսկերի գնահատում իրականացնելու նպատակով համայնքի ղեկավարի առաջարկությամբ, ավագանու որոշմամբ՝ ինքնագնահատման աշխատանքային հանձնախումբ (այսուհետ՝ հանձնախումբ) ձևավորելու միջոցով:

5. Հանձնախմբի կազմում կարող են ընդգրկվել՝

1) Համայնքի ավագանու անդամ կամ անդամներ.

2) Համայնքի ղեկավար.

3) Համայնքային աշխատակազմի քարտուղար.

4) Համայնքային աշխատակազմի իրավաբան և ֆինանսատնտեսական պատասխանատու.

5) Քաղաքացիական հասարակության ներկայացուցիչ.

6) Տեղական ինքնակառավարման ոլորտի փորձագետ.

7) Այլ անդամներ՝ ավագանու որոշմամբ.

8) Ինքնագնահատման խմբի աշխատանքները համակարգող անձ:

6. Հանձնախմբի անդամների թիվը և անվանական կազմը սահմանվում է ավագանու որոշմամբ:

7. Հայաստանի Հանրապետության Լոռու մարզի Սպիտակ համայնքի տեղական ինքնակառավարման մարմիններում և Սպիտակի համայնքապետարանի աշխատակազմում կոռուպցիոն ռիսկերի ինքնագնահատում իրականացնելու նպատակով՝ հանձնախմբի կողմից սահմանվում են գնահատման ենթակա այն կատեգորիաները, նրանց մեջ մտնող ցուցանիշները և ենթացուցանիշները, որտեղ հավանական է, որ առաջացել են կամ կարող են առաջանալ կոռուպցիոն ռիսկեր:

8. Գնահատման ենթակա յուրաքանչյուր կատեգորիա կարող է բաղկացած լինել մեկ և ավելի ցուցանիշներից, իսկ յուրաքանչյուր ցուցանիշ կարող է բաղկացած լինել մեկ և ավելի ցուցանիշներից:

9. Հայաստանի Հանրապետության Լոռու մարզի Սպիտակ համայնքի տեղական ինքնակառավարման մարմիններում և Սպիտակի համայնքապետարանի աշխատակազմում կոռուպցիոն ռիսկերի գնահատման արդյունքում հանձնախմբի կողմից սահմանվում է կոռուպցիոն վարկանիշ:

10. Կոռուպցիոն վարկանիշն ինքնուրույն հաշվարկում է՝ հիմք ընդունելով ինքնագնահատման արդյունքները և կոռուպցիոն ռիսկերի գնահատման կատեգորիայի միավորների առավելագույն չափի նկատմամբ ինքնագնահատման արդյունքի միավորները:

11. Կոռուպցիոն ռիսկերի գնահատման արդյունքներն ամփոփելուց հետո հանձնախումբը մշակում է կոռուպցիոն ռիսկերի բարելավման գծով գործողությունների ծրագիր, որի սահմանման համար հիմք է ընդունվում յուրաքանչյուր ցուցանիշի և հետևաբար կատեգորիայի գծով ստացված միավորները:

12. Կոռուպցիոն ռիսկերի գնահատման արդյունքում ստացված կոռուպցիոն վարկանիշի բարելավման գծով գործողությունների ծրագրում՝ յուրաքանչյուր ցուցանիշի համար հանձնախմբի կողմից սահմանվում են միջոցառումներ:

13. Յուրաքանչյուր ցուցանիշի համար կարող է սահմանվել մեկ կամ մի քանի միջոցառում, իսկ յուրաքանչյուր միջոցառման իրագործման համար վերջնաժամկետ, միջոցառումների իրագործման համար անհրաժեշտ ֆինանսական միջոցներ և յուրաքանչյուր միջոցառման համար պատասխանատու:

ԱՇԽԱՏԱԿԱԶՄԻ ՔԱՐՏՈՒՂԱՐԻ
ԺԱՄԱՆԱԿԱՎՈՐ ՊԱՇՏՈՆԱԿԱՏԱՐ՝



J. Vardanyan

Ա. ՖՐԱՆԳՅԱՆ